

沅
湘
耆
舊
集

沁湘耆舊集卷第一百八十一

新化鄧顯鶴湘臯編輯

長沙毛國翰青垣校訂

石老人石氏 七首

石氏自號慈石老人湘潭人汾州府知府張顧堂
力行母以節孝著壺山觀察經田蕪山司馬懋田
定生學博慧田皆其孫也

七十生辰作 弁序

余就養四兒力行官舍四載於茲今七十生朝力行薈
萃所乞壽言歌以侑觴老婦何幸得爲大人先生齒錄
顧其辭類多侈頌愧不敢當張觸余懷若有不能自己

於言者仿杜少陵寓同谷縣詩體作歌七首第七句卽用其語少陵以飄流鳴感余亦數十年備嘗茶蘖之境辭不相襲遇若近之吾子孫能喻此意庶幾知所勉焉

憶昔憶昔初作婦鬢髻白髮娛大母舅扶鳩杖晨上堂捧

羹小步君姑後秋風獵獵動地來諉凋椿碎養何有嗚呼

一歌兮歌已哀孝子有後栽者培

自注鄉人稱先舅爲張孝子

夫子夫子天下才興酣搖筆驅風雷江東米價了不知摩

挲癸鼎顏爲開文章獨憎杜甫命生死惟託劉伶杯嗚呼

二歌兮歌始放燕棲風月秋自爽

自注燕棲先夫子書室名

秋茶秋茶味孰知晨餐夕啗甘如飴黃泉碧落擬相逐聞

意哀此諸孤癡良人遺憾目未瞑遺巢欲隨頰撐支嗚呼

三歌兮歌三發容易成家力早竭

昊天吴天生我劬母氏教績父授書女子有行安得養樓
頭凝淚瞻親廬顯揚憾非巾幗事無瑕誓守白璧軀嗚呼
四歌兮歌四奏保身敢忝門楣舊

有妹有妹矢從一女而不歸老於室青鐙紅淚五十年博

得烏頭耿耿日螺贏負子教誨勞他年九地心堪質嗚呼

五歌兮歌正長相思不見天茫茫

自注妹幼字曾氏所事者不幸而天妹年才十

九誓不再適力請於母氏素服哭奠曾氏子之墓歸扇一
室勵志守貞母憐之予田數畝以給其養今妹年六十餘
矣方得嗣子相依朝夕悲夫嚮予就養力行官舍
欲邀妹不果行白首天涯每一念及輒爲泣下也

我來就養愁轉劇鞭扑聲中簿書積循良肆應良復難

聖主深仁在保赤官名父母須慈祥家有子孫要蕃碩嗚

呵六歌兮歌思遲筵前有酒民膏脂

予季鞅掌閩海邊諸孫較藝留湘川人生何必麋鹿聚所
求無忝繩其先我家祖德方赫赫我今老健天所憐嗚呼
七歌兮悄終曲蟾窟風香落金粟

吳夫人家楣

三十六首

家楣號蓮齋長沙人廣東遂陽知縣炯女同邑楊
華圃室著有繡餘詩鈔夫人爲趙城知縣 予謚

昭傑延亮之母道光乙未趙城教匪曹順等作亂
昭傑遇害夫人率子婦全家十八人死之事聞

賜卹立祠余題湖南女士詩鈔所云絕痛繡餘賢
吏母全家碧血正模範者也夫人詩格老氣適音

沈調響詩鈔稱其清矚往軌總響藝苑研鍊藻韻
特具沈鬱一時香奩之萃未見其比推許可謂至
矣夫人賢而工詩昭傑稟承母訓卓爲時棟猝遇
變故闔門以殉可云正命無忝顧以夫人之賢必
使之牽率全家惟此慘毒天道人事其曷可量維
誦遺篇爲之三歎夫人有三妹一松齋一蔭齋一
雲齋端齋則其姊也皆能詩

題盆中小石山

怪石小如拳方盆水一勺突兀踞其中儼如載華嶽盤空
生雲氣勢欲騰碧落幽曲羅浮姿本是蓬萊腳衡山聳天
南八九峯如削往往動仰止未及攀昨矚此徑寸觀振

觸雲山約安得十日遊使我胸懷濶

調鶴軒後苑桃花盛開四弟寶田招集小飲分韻得

時字

遇物勿畱意爲歡須及時家庭樂事多况復花滿枝當階
開小筵英芬落酒卮兄弟亦既具諸娣還肩隨與花共一
笑相對又怡怡在昔桃李園夜宴發新思醉月亦偶爾豈
必與夜期春色自年年兼爛亦何爲我無青蓮才敢論幼
婦辭花閒坐春暉舉觴亦不遲漫將此中意寫爲賞花詩

春夜喜家大人攜二兄至

鄉邑路非阻懼情久乖離往往一懷想如在天一涯山村

春夜寒風雨方淅其柴門聞剝啄訝客來何遲入報阿翁

至阿兄與之隨翦燭。趨出迎。慳意溢雙眉。捧袂近顏色。相顧交喜悲。鬢髮雖皤然。豪邁猶昔時。入室圍寒爐。笑言慰幽思。絮絮詢所親。神意馳慈幃。

開筵羅酒漿。盤餐少豐潔。雨畦春韭香。瓦盆梨花白。乘寒得一醉。休辭酒力竭。每嗟道途修。動作經年別。音問雖時至。定省久疏缺。憶昔繞膝時。杯酒共懽悅。而今多別離。一會翻如客。

采蓮曲

江煙漠漠江風柔。采蓮人泛木蘭舟。雙槳打入花深處。渺渺
渺煙波無限秋。欲采蓮花向前浦。采蓮人在花閒語。只愛
蓮花紅不識蓮心苦。蓮心苦蓮花密。欲采蓮花轉相惜。朝

來采蓮向江側
萍減秋江好顏色
何如畱取秋江裏
開盡蓮花有蓮子

書伍員傳後

以死殉名士所恥
臣子豈可言報施
子胥事蹟在遺篇
諒哉史氏豈我欺
無極一死父讐釋
抑計墓上鞭者誰
委身強大竟不終
屬鏤遺憾空
鷓夷王孫若復報
闔閭沼吳何必勞
種蠶

晚泊

野望泊輕舟
推窗四望幽
關山邊地月
河漢故園秋
晚樹寒煙合
新涼暑氣收
夜深篙櫓靜
清詠興悠悠

立春日寄懷蘭芬嫂

隔歲征軺遠，開春別緒加。邊城無驛使，深院有梅花。
簾卷蠻天闊，雲垂嶺樹斜。黃岑在何處，山郭亂啼鴉。

和定齋二兄秋懷

邊城秋欲暮，雁影隔衡陽。

自注時方寄大姊書

皓首經年別，黃花兩

度香琴書勞寄託，刀尺倦裁量。倚閣看山處，遙知淚幾行。

過平樂府

舟過江城午，疏窗面面風。溼雲低斷岸，旅燕近征蓬。亭榭

滄波上

自注定心石上亭正峙江中

人家亂嶺中。畫圖看不厭，片席又

匆匆。

赤壁懷古

江濤浩浩亂風秋，千古來從野鶴遊。霸業三分餘舊壘，英

雄千載付東流豚兒自合嗤劉表虎子還應笑仲謀烽火未消降表出祇今巉壁使人愁

中秋後一日送別端齋歸長沙

金風瑟瑟桂香浮千里分飛可自由一夜蟲聲鄉夢遠滿庭花氣故園秋衡雲作意催歸雁柳水無情送客舟此後關懷何處最清宵月上晚妝樓

舟中夜雨

泊處殘陽映水明濃雲忽向嶺頭生送將兩岸三秋雨灑作孤蓬一夜聲蘆荻花繁漁火暗關河夢斷旅魂驚朝來挂席煙波曉萬里晴雲放棹行

過耒陽弔杜少陵墓

錦里何年遠別離孤魂三尺此畱遺可憐萬里羈臣淚不
盡千章戀闕詩廣廈夢回餘斷碣故園心燼委荒茨中宵
牛酒無窮憾坏土空畱過客悲

和孟藥夫人春柳

偏宜翠帶縮纖腰拂盡東風千萬條鏡裏新眉春睡足樓
頭殘夢午鶯嬌暖隨官路垂三月深鎖湖光壓六橋安得
池邊栽遍滿輕煙遲日裊花朝

畱別蘭芬

揭陽南望不勝愁對酒臨歧更少畱衰柳寒煙官道遠白
蘋紅蓼客帆秋百年聚散雙鴻爪萬里分攜一葉舟他日
登樓重回首黃岑風雨隔郴州

下龍

奔濤如吼湧巖龍亂石盤河不可扛萬壑驚風回斷岸一
天蠻雨下輕濺水當淺處波偏險心到平時浪亦降古往
今來同利涉神祠颯沓午鐘撞

自注上有韓公祠周公廟舟過者必以雞酒祀

舟中立秋

隨宦頻年賦遠避金風候又到輕舟全家人共雙帆轉

自注

粵東船俱用雙帆

萬里天同一葉秋草際輕煙浮曲岸林梢斜日

下荒洲閒中漫揭篷窗望水上山光翠欲流

觀音巖

古刹高懸萬嶺雄清流環繞俗塵空縱橫竹柏重霄上層
臺樓臺一罅中峭壁靜含天半日仙幡斜挂雨餘虹曾聞

寶筏維南海不道慈雲近粵東

喜得大姊端齋書知其卜居與故園隣因簡

別來時事幾番新迢遞天涯入望頻青鳥忽傳千里信綠
楊今作兩家鄰雲開嶽麓山同翠雨合瀟湘浦共春早晚
輕舟還故里曲欄分韻慰吟神

秋日書懷

有序

時家嚴已卸交赴省家屬僑寓書院新舊炎涼迥異不
勝今昔之感

久客蠻雲瘴海邊秋光底事使人憐好山尙得供雙眼空
棗何須賸一錢簾外西風催去燕樹頭殘露咽寒蟬漫將
景物驚時序調鶴軒中已四年

曉窗高拓豁雙眸別館西風擾客愁鴻雪歌臺仍夜月自
署中客堂名調鶴 蕉花吟苑又新秋自注時寓 青鏡乍鏗
軒又題曰鴻雪 年來事白髮曾勞海上舟自注去秋家大 此日何須重回
首從來身世一浮鷗人過海捕盜

將發遂溪題壁

四載鴻泥寄遂陽驚魂長恐說他鄉天連瘴海風濤惡人
逐蠻雲晝夜忙萬里羈愁雙老鬢全家客况一空囊長隄
古道難回首鳳嶺雷峯望渺茫

電白道中風霾連日寒冷異常因感家大人長年風
霜之苦愴然有作二首

幾日衝寒路阻修輕輿古道動鄉愁萬山風霧侵雙鬢四

載馳驅憶白頭鷓鴣沙塵連地卷蛇洋

自注海中島名

波浪拍天

浮鷺心最是涸州役一葉飄飄海上舟

自注家大人往涸州緝盜濟而瀾數

百里五六日夜方至歸署後屢於夢中猶聞督役緝捕之語

長風疏雨旅魂驚靜裏方知得失輕
畢世勲名片時夢遊城草木四年情
寒山遠近行應遍野徑高低路不平
棖觸南來舊官况愁雲頻逐白雲生

宿黃泥灣

自注時值風雨草店極狹

殘燈耿耿照征衾
草店塵垣夜已深
兩岸田園喧賽鼓
自注時賽神人家
簫鼓達旦一窗風雨雜歸心
未妨旅次權安枕
豈爲羈棲不擇林
但使主人能待客
天涯隨處足高吟
自注店主夫婦頗賢

重泊洞口

夾岸陰陰竹木幽，四年重此繫扁舟。
荒山那記往來事，過客偏生今昔愁。
隄樹漸能遮小市，嶺藤依舊覆寒流。
蓬窗薄暮閒憑眺，銀釧荆釵滿渡頭。

蒼梧晚發

山城如畫枕層巒，鼓枻中流四望寬。
浮市人煙疑屨化，繞祠風雨護龍蟠。
自注沿江多於舟上架屋作市，五界廟有青龍盤踞其頂，最著靈異，舟人過此必祀之。
懸巖木落秋江冷，亂石灘迴客夢寒。
今夜扁舟何處泊，一灣新月水漫漫。

過衡州府疊丙午年韻

輕裝四度過衡州，萬里初歸海上舟。
夾岸亂煙江樹老，一峯回雁楚天秋。
草橋不逐行人斷，石鼓難鳴客子愁。
自笑

年來長泛泛幾番回首嶽雲頭

泊桂林府

津亭聽鼓泊舟時桂嶺江城入望奇粉堞低圍孤嶂樹晴

煙高接萬家炊波閒石象秋慵起自注城中有孤峯直立於雲表江心有石象駕

鸞出巖畔星躔曉不移自注有七星此地南來推勝絕

一灣溶水赴相思自注桂林府江白榕江下有相思江

恭和家大人九日舟中

鳥唳猿嘯不勝嗟何處青帘閒酒家
河有香萸簪綠鬢漫隨綵筆賦黃花
松聲兩岸秋陰合雲影雙帆夕照斜
莫向西風共惆悵十年佳節在天涯

感事

落窶窮途哭阮生逍遙彭澤去淵明黃金漫短英雄氣白
酒難輸世俗情春日荒園饒戲馬秋風殘柳倦嘯鷺三千
珠履猶長缺函谷荒鷄可一鳴

辛亥冬歸自日南有感賦呈兩大人

海北天南賦遠遊歸來翻羨去時秋荒園廢砌風三徑破
屋疏簾月一鉤嶽色經年迷舊藪江聲入夜湧新愁欲知
此日還鄉意杖屨蕭然兩白頭

除夕寄呈家大人卽步小除夕見憶原韻

臘鼓聲中歲又除新愁舊緒更何如廿年官閣三朝酒注
尚書大傳正旦爲歲之朝月之朝日之朝百里山城一尺
故曰三朝子孫各上椒酒於家長爲壽書松際雪消晴翠
隱梅梢春曉宿雲舒遙知白髮關心處

菱尾杯中更憶予

銅雀臺

中原百戰見雄才
虎視徒聞霸業開
漫詡當塗能代漢
空餘片土尚名臺
香分總帳秋原冷
風起漳河玉珮哀
七土二墳藏不得
幾時重爲美人來

聞碓

日暮清砧響未休
天寒聲急使人愁
催殘落葉關河冷
傳入高城鼓角秋
萬里風霜侵客路
十年征戍憶江樓
誰家待月南窗下
珠箔臨岐怯上鉤

石貞女

一首

貞女湘潭人
慈石老人之妹
幼字曾生
未嫁而生

歿守貞不字

書伯姊張太恭人七歌後

歲攝提格月在相伯姊始生悅懸帳卽今七十聰且明不
用仙人九節杖憶昔伶仃恃母慈晨鍼午剪宵麻絲繡窗
閒展中壘傳列女法戒姊示之曲江公子乘龍壻曰歸宜
室如兄弟誰分碧翁西北虧提孩入戶淚潛制我生不辰
姊不如桃華方灼鸞已孤此生未見良人面此心欲完寡
女驅簪語華言耳不入天平不諒死何懾維時阿姊獨相
憐能申大義消喋喋姊亦含辛年復年桂蕊洞孫紛眼前
妮煌翟涕慶將母庠齋御板同神仙念我惻惻痛無告親
裁尺素慰清操餐膳許分祿養餘輕帆約赴禾州道阿姊

高誼世所稀藻蘋無主難奮飛捧書反覆涕沾臆吳山湘
水神通馳弄珠樓畔壽筵啟雲璈聲沸陳百體傳到新詩
歌七篇就中鄭重采葑菲嗟哉身遠心轉親末由晉爵賡
長春可憐豪楮殷勤意振觸空閨薄命人烏頭何事虛名
炫羸負有難差自遣姊如啖蔗老愈甜我似凝陰宵不旦
祝嘏知不藉厄詞絲絲情話抒我思他年白髮歸相對更
爲索句歌期頤

王瑤窗珎 十三首

珎字瑤窗本蘇州西洞庭山人父字吉人遷於楚
遂爲善化人母鄧氏早卒兄某遊幕閩中家故貧
瑤窗與其妹綺窗畱養其父不嫁垂二十年父病

癯及十餘年始卒布衣蔬食終身不改兄卒於閩
嫂陳氏矢志撫孤瑤窗姊妹助之教養至成立瑤
窗居一室終日不言笑外人罕見其面嘉慶癸亥
卒年六十陳觀察誥爲作奇女傳瑤窗工寫花鳥
書得唐人意通音律工琴善奕曉劍術詩不多見
所存皆題畫之作

桃花

帶露依宮井明霞一片新含情終不語似憶武陵春

落花飛蝶

小苑春歸去空庭蔭綠槐窗前煙草長蝴蝶上階來

桃花畫簫寄揚州二姊

雖然春色江南有故國花開最憶君
寫寄吹簫橋畔月二分
寒破武陵雲

紅白梅花

絳萼瓊英一處栽紫宮降謫下瑤臺
年年破臘慙春信
管領羣芳閒雪開

絳桃

紫袖遙迴姑射仙輕盈著露更凝煙
流霞一醉三千歲
不與人閒記小年

梅

破臘衝寒占早春雪宮雲嶂隔紅塵
玉英不藉東方力
料得司花月殿人

荷花

翠蓋紅衣出水新
丰姿如覩洛川神
畫師不是憐香豔
見說凌波不染塵

杏竹

曲江遙望楚江門
仙杏何由帶淚痕
忽憶酒旗村外路
樓前春雨長龍孫

放蝶美人圖

寂寞蘭闈春晝長
仙衣閒貯粉奩香
放教花底成春夢
不許分飛過短牆

虞美人

南園銷歇大江東
此日誰憐百戰雄
祇有美人名尙在
年

年和露泣春風

秋海棠

弱質柔情淺澹妝也隨籬下薄經霜自從工部無詩興空
抱芳心對夕陽

野菊

野性天然爛漫開和煙和雨映荒苔自甘冷落秋風裏免
向東籬月下栽

落花飛蝶

芳草芊絲襯落紅殘香繞亂往來風無邊春色煙蕪遠盡
入南華午夢中

徐善長

三首

善長字蕙姑號天台湘潭人年十八未嫁而卒

落花

昨日東園醉午風花枝低映酒杯紅春光一度斜陽裏
影都歸短笛中別院王孫深繫馬高樓思婦強雕蟲
更憐古往今來事漫說榮枯境不同

杜鵑嗥徹五更風千古繁華想像中爲底飄零隨水逝
勞點綴費天工迷離幻境今猶昔撩亂殘妝色是空惆悵
天台花事了幾番相賞又愁紅

紅樹迢迢過眼稀風飄萬點逐人飛自憐春意隨流水
漫許芳心怨落暉蝶陣不勝煙漠漠蜂衙無奈雨霏霏
泥塗踏遍知多少難喚奚僮盡掃歸

九滋女史張氏十一首

女史湘潭人昆石先生瑗女適同縣石氏以孝聞

歸庭省

中庭侍立話朝曛
閣幄依依觸緒紛
筆墨縱能齊柳絮
功原不到釵裙團
沙相聚連年約
走馬歸期幾日分
甘旨日慚供奉缺
門楣孤負課兒勤

憶外

腸斷天涯擁敝裘
幾番書信雁難投
涼生客館風三面
寒到征衫月一鉤
生計自憐鍼箭活
相思惟有夢魂遊
春深江國無消息
楊柳青青怕上樓

寄外

銀漢空無翳，開軒獨有屏。
團圓秋月上，怕看是雙星。
偶來花下坐，蝶亦戀芳菲。
故意穿花去，雙雙相對飛。

燈下獨感

夜盡燈光裏，消閒獨坐時。
觀書空折角，誰是質疑師。
把卷不能讀，悲歌真自癡。
許多感慨事，付與古人知。

哭妹

迢遞中原別處，賒幾年消息。
盼天涯傷心一夜，東風惡吹。
斷三春姊妹花。

黃絹誰傳少婦詞，朶雲飛下正相思。
開緘一讀一腸斷，苦雨淒風雁到時。

香閣迴首髮，逋初禿筆拈來已解書。
詠絮有才常下拜於

今無復女相如

金鍼喜刺鴛鴦譜玉翦閒裁錦綉襦曾把天孫比花樣
閒原是黃姑

過湘城

澄江一帶好家居樓閣分明畫不如記得卅年風景在人
家多半是茅廬

晏淑媛一首

淑媛湘潭人同縣南河瓜洲閘官周方修妻

寄外

君行戀名場空閨妾自守端居歲月長客路馳驅久漪漪
谷口蘭泛泛天涯柳願言衣錦還肘後黃金綬

嚴氏一首

嚴氏武陵人

遣子省翁作詩勗之

多年貧苦不須提子在家時已自知薄粥近來猶費力
賃居今日更難支堅貞靜守三從義辛苦何勞兩鬢絲
一片冰心池上雪望兒早折桂叢枝

譚氏二首

譚氏茶陵人衡山羅廷球之妻

秋夜玩月

雲掩青天月掩光銀鏡獨照夜深長殘書覽罷知無用不
看嫦娥只自忙

沅湘耆舊集卷第一百八十一終

沅湘耆舊集卷第一百八十二

新化鄧顯鶴湘臯編輯

長沙毛國翰青垣校訂

王綺五首

綺大理人知書能詩適武陵胡少霞司馬蔚爲繼
室少霞棄官客滇日與唱和相對歡甚少霞客死
無子時徐爾松中丞撫滇葬少霞於昆明歸綺於
大理王氏綺哀之以其夫午節食糲飽死作端午
泣仍回昆明守墓蓋才媛而有貞操者

哭外

幸事前身老屈公又隨端節去匆匆采絲角黍傷心事况

對榴花照眼紅

思美人兮得合歡誰知鳳逝認孤鸞此身未許輕相殉總
爲無兒拜掃難

自大歸時淚雨紛點蒼山起望夫雲妾身亦是騷人婦忍
棄新阡宿草墳

挑鐙獨寫奠夫文繡閣沈沈闔閉門一字一珠一點淚九
原泉下可能聞

拜掃清明淚滿腮憐君空自負多才文章詞賦勤蒐輯村
禪書還待使來

李源二首

源字星鍾茶陵人陳綺音室著有星鍾詩草

病

獨臥空房擁藥鑪寒侵病骨劇難蘇
辟蘿門巷荒秋草砒杵江城叫夜烏
萬里夢回千嶂冷寸心愁對一燈孤
欲成仙去隨鷄犬不識能尋塞上無

綺若以事戍邊忽忽秋殘
愴惻於懷賦此寫憂

畫眉京兆謫蕭關策杖慈親鬢已斑
知母藥攜愁日短望夫石化憾猿頑
黑雲殘角關前戍白草嚴霜塞外山
此後莫將螺黛染朝朝有淚洗紅顏

宋盛慎
八首

盛慎字德松自號補園
癯老寧鄉人廣東德慶州
知州寶逢女同邑監生胡達泰室有萊蕪園詩草

神禹碑

峭嶮峯峨峨萬仞出雲霧禹碑在巔攀陟疑無路千古
豢文垂八年心跡著山徑積苔蘚埋沒匪朝暮不有樵者
知空對蒼蒼樹憶昔隨刊初昏墊民無措四載履艱阻豈
無神天助石赤字復青風雨長呵護我讀今文書伏女傳
無誤我驚此碑文先後爭釋註已非蚪蚪書况殊典謨句
如何元圭錫別有奇文附明德懷千古下拜心悚懼

題塵廬遺草

有序

無非文氏者余甥王雲樵婦也賢而慧孝事舅姑鄉黨
稱之嘗索觀斐園詩題五絕句余始知其能詩也年三
十餘卒雲樵檢塵廬得遺草數十首悼而存之以質予

予憾相知久而未相見也爰綴數語以志感

無儀女之德無非德乃全遙遙信國裔幽姿靜且娟好速
得王郎同心金石堅盤厄爛內則勗子意拳拳吟梅復栽
菊嬾爭時世妍子慚今老矣塗抹無新篇有園開綠斐何
當寄瑤箋瑤箋尙未報倏又見遺編相知兩不見見詩淚
漣漣塵匳晚風生空山號杜鵑

春耕

近市仍鄉習門旁十畝田築隄增舊址鑿澗導新泉種浸
金釵糯翠催鐵角犍幸無塵事累學稼北城邊

輓貞烈成氏女

聞訃驚魂確深閨一念堅守身過白璧含淚別黃泉未識

今生面空談宿世緣誰云赴死易貞烈幾人傳

素練秋霜潔孤魂夜月寒所天情可白之死血猶丹香字
何須翦哀絃不再彈樹碑同穴處畱得姓名看

舟中不寐

寒渚孤舟夢未成朦朧江上月初生袖中遠信偏難寄客
裏秋天不易明水碓自舂侵枕響村厖爭吠渡灘聲船窗
乍喜光微白起視人煙兩岸橫

修理後圃田池奉和家大人

莫問花師與藥臣已隨解組作農民荷鋤聽唱田閒月布
穀催耕隴上春堅築舊池容水入寬圍餘地與山隣瓦盆
好待新鶯熟面同軒閣賞菊辰

秋聲

竹扉開處小溪橫，秋到園林氣自清。
籬畔黃花無蝶夢，窗前紅葉有蟬聲。
廚煙晚接雲頭直，天漢低垂屋角明。
九月築場初納稼，豆棚瓜圃夜寒生。

王文羽九首

文羽字綺窗，善化人。瑤窗之妹，工寫竹，因以竹居。
白號有竹居。稿綺窗與其姊瑤窗同居奉母相約，
終身不嫁。母歿，布衣蔬食，終身年七十七，以道光
甲申卒。詩見《湖南女士詩鈔》。

落葉

葉枯一度太匆匆，萬木扶疏望欲空。
瑟瑟洞庭初落日，蕭

蘇詩卷第一 百九十二 四
蕭巫映幾番風寒礎已動秋陰外幽怨曾傳御水中處處
青黃看不盡那堪回首憶春叢

森森曾託舊枝柯零落園林意若何驚起烏囀霜夜月感
深人歎逝川波孤飛半逐疏螢度成陣全同驟雨過不與
芳林同寂寞蒼松翠柏自婆娑

漫言解脫任西東墜葉飄花感亦同幾見盛衰來眼底應
知身世有窮通空憐物態隨流水莫怨年華似轉蓬偶逐
春風非本意生涯端在寂寥中

疊前韻

堪嗟時序太匆匆零落園林一望空楊柳莫教誇翠帶梧
桐已自報秋風最憐寂寞荒煙裏可記綺華綠蔭中信箇

馬歸棧不穩驚飛欲擇別枝叢

榮枯不改舊枝柯風翦霜凋可奈何無復叢叢滋雨露卻
憐片片下風波遠隨千里浮萍住高逐三秋旅雁過莫謂
此生狼籍甚曾扶芳樹鬥婆娑

一別林臯西復東飄零無復綠陰同驚敲宿鳥棲難穩堆
塞嶁猿路不通幾度霜凋埋蟻垤數番風翦逐沙蓬昔人
若道重來此可記停車坐愛中

落花疊前韻

飄紅墜白歎匆匆連理交枝轉眼空洗盡鉛華三月雨銷
磨紅粉五更風一從豔墮芳塵裏無復香生繡幔中祇有
子規情不盡聲聲呢老綠陰叢

韶華一度夢南柯零落其如此日何已與明妃埋憾塚復
隨湘女赴煙波卽看開放繁華歇莫怨摧殘瞬息過滿地
落紅香未散尙教蝴蝶舞婆娑

無那芳心付水東傷春處處此情同羅浮有夢人空憶仙
境無緣路不通曾趁豔陽開笑靨誰憐薄命委飄蓬呼僮
婦去情猶惜獨自留連曉露中

胡

錦四首

錦字芳卿號蘭陵善化人年十七卒有繡書樓詩
草芳卿先世浙江人其五世祖爲雲夢令避闖禍
來居湘潭至其父子昂始遷居善化芳卿性敏捷
涉獵子史百家皆成誦能文喜吟詠有兄曰鈴宮

死於粵兒子名珍頭相依以生芳卿早卒所遺詩
已及千首

春日隨舅上湘潭省外祖羊公偕姪珍頭舟中卽事
遙隔平蕪數十家水村山市亦喧譁沿隄驛馬嘶芳草坐
樹流鶯語落花風送客帆千里去鷺鷥魚網一行斜郊原
入眼添詩興半種桑麻半種瓜

芳草芊芊綠滿舟千條楊柳鎖江頭靈均應有懷沙憾帝
子偏多鼓瑟愁人去人來天亦老潮生潮落水空流忘情
欲解冠纓濯誤取金釵笑未休

朱洲早發

曉望朱洲曙色分四圍山色碧無痕寒煙鎖樹濛濛雨曉

氣籠江霧，雲楊柳繫枯雙釣。艇扶蘆樓老白鷗，羣片帆
遠溯蒼波處。獨鶴聲從別浦聞。

阻雨暮抵滌口

半天風雨戰殘虹，淨洗羣峯映遠空。雲影亂垂天襯碧，燈
光倒射水搖紅。客情孤迥寂寥外，雁字橫斜煙霧中。最愛
三秋初霽夜，一鉤新月挂梧桐。

趙孝英 七首

孝英字玉畦，龍陽人。楊觀班學博，瑞妾著有玉畦
詩草。玉畦能詩，兼善篆隸。觀班歿後，遺集皆其所
手錄也。

過丁公山有作

丁公山上薜蘿暖
下春春祠奏瑞管
煙巒高高煙水深
鷓鴣嗁煞千重林
爲問修真何氏女
霧鬢雲鬟渺何許
天風吹落環珮聲
令人長憶許飛瓊

示兒

每思身世便淒然
苦爲兒曹萬事牽
年少那期分紫綬
家貧莫漫棄青氈
獨憐婚嫁初完願
已是春秋欲暮年
大塊光陰須愛惜
休將世業負前賢

泛舟

魚鱗江上碧煙開
月影蕭蕭度樹來
一片魚歌何處起
蘆花深處小船回

初春

濃露泠泠草漸肥
一庭綠草
衣呼童細掃
籬西徑已
有尋花蛺蝶飛

歸燕

萬事歸來認舊庭
繞梁聲有故人聽
夕陽正照疏簾腳
可見殘泥隔畫屏

初夏

一別春風晝漸長
綠窗低映小迴廊
卷簾忽見榴花影
纔有新紅上短牆

題陳夢棠遺草後

莫拋紅豆惹相思
記得青燈夜讀時
廿五年華同一夢
不堪重讀海棠詩

自注夢棠有海棠詩極佳

陳長憇二首

長憇武陵人未詳所適陳氏爲武陵舊族長憇與
宗五鴻博同派遠近未可知其爲一門風雅無疑
也

中秋夜讌

佳 鬪樂備雁行趨庭月夜共稱觴但看明鏡如波冷豈
畏 樽到曉涼漏下正疑天樂響風來贏得桂花香何須
更架銀橋路梯取寒蟾一寸光

雨後溪橋野梅

流水溪頭清潔姿年年花發占春期風清孤影枝尤瘦雨
浸冰肥血未衰閒倚石根成做骨好憑山翠點修眉畫橋

經過嬌香在驛路憑教橫笛吹

朱梅秀 四首

梅秀字寒英鄆縣人同邑某氏子聘室未嫁而某氏子死遂在室終以貞女事其親日涉書史自娛年七十餘卒有寒英詩稿

書懷

自有生平樂幽居水一灣那知綠窗苦長伴白雲閒秋燕幾時去柴門終日關空庭倚修竹明月上前山

梅英

玉笛吹來花復生別裁新曲入清聲春回南嶺如相語笑索東風可柰情雪滿疏林心亦冷魂依明月夢猶驚閉園

催我吟懷僻，可似林家有舊盟。

聞胡夫人將見訪有感二首

貧居祇道野無人，忽許門聽長者輪。
林際閒花如索笑，雨餘幽草自生春。
漫言地僻尋來易，卻恐山深認不真。
親從凋零劉柳在，未聞談論已凝神。

日暮千山人寂寞，秋殘九月菊芬芳。
荒園地僻多閒意，修竹風流祇澹妝。
草閣夜深徑月谷，松陰落滿籬霜。
老年無限傷心事，獨自依依賦短章。

凌興鳳

八首

興鳳衡陽人，嫁同邑農家。譚積林著有清湘樓集，詩凡三百餘首，半皆荷鋤執耒田閒倡隨所得也。

年二十而寡姑家欲奪其志因自序其詩以殉集
未見今從女士詩鈔選本得詩八首

春日嬾聞感懷

春光依舊滿衡陽愁對東風枉斷腸
蕉葉有聲過暮雨桃花無語下清湘
雲連隴樹驚魂斷枕遠江流別夢涼
百尺樓頭眠未得不聞長笛已神傷

從夫畊田魏家町

郎種桑麻妾種花種花未吐早收麻
漚麻漸了花纔吐花與桑麻自一家

春日思家

指點遙峯夕照斜白雲深處是郎家
空庭寂寞無人掃

積東風一寸花

立秋

淚痕豈是爲悲秋
明月光中上小樓
金井梧桐黃葉下
誰家先有一人愁

燕燕

燕燕歸來認最真
呢喃細語話前因
可憐未解滄桑事
猶覓春風舊主人

殘花如夢草如茵
萬種傷心欲暮春
誰與同垂兩行淚
相看惟有鏡中人

嬌閨懷古二首

被執投崖信烈哉
一杯黃土一荒臺
清風嶺上貞魂冷
管

涉泮者有身
卷第一
領無人夜月來

王貞婦

綺閣佳人貌自殊含悲獨自憶黃奴至今遺廟清谿裏一

縷靈魂伴小姑

麗華

江慶瓚妻黃氏二首

黃氏長沙人諸生賢道女少聰慧通書史年十五
適平江江慶瓚慶瓚以苦學致疾卒黃氏不食四
日氣幾絕其姑欲以不食同死乃強食越五年爲
乾隆甲申九月十六日先夜黃氏感慶瓚入夢又
微聞舅姑有他志遂於是日別二親說言祭掃懷
七首攜婢詣墓哭盡哀麾婢他之自刎家中發篋
中有白綾書絕命詩二首同里余存吾太史爲作

傳

絕命詩

黃花冒雨淚涓涓
泣別分離已五年
一劍不如從地下
鸞到此又團圓

秋風無處不淒酸
垂白雙親要自寬
爲報黃泉成樂土
何妨白日到人間

沈潜老舊集卷第一百八十二終

沅湘耆舊集卷第一百八十三

新化鄧顯鶴湘臯編輯

長沙毛國勳青垣校訂

汀青楓 十五首

青楓字半嵐一字梅谷濮陽人衡陽羅某室偕隱
於市荆釵布裙負戴行吟蕭然自得有楊柳枝詞
及紀夢詩并記盛傳於時女士詩鈔稱其楊柳枝
詞情韻逸遠戍婦之作爲古怨歌之遺殆不誣也

秋曉登回雁峯

秋高回雁曙光寒曉日曛曛入望寬
槍鎖江心抽玉筍雲封嶽頂篆青鸞
萬家煙火凌晨遠一幅溪山帶霧看
更上

層巔吟眺久，數聲清磬出林端。

成婦

楊花如雪送君行，又值秋蟲候雁鳴。
古驛霜華悲曉角，暮天沙氣動邊城。
聽砧定有還家夢，化石猶聞望遠情。
製得寒衣填篋笥，可憐馬革慟西征。

弔劉忠節公熙祚

瞻嶽城頭火夜然，敢辭碧血灑湘川。
來宣聖主憂勤日，死別鄉關夢想年。
萬里窮荒悲馬革，幾人流倒觸狼煙。
題詩字字千行淚，堅此丹心映楚天。

紀夢

香殘畫永小遊仙，路入蓬壺別有天。
洞口雲深隨犬吠，山

頭鶴嬾伴松眠棋聲半帶風花落果實新嘗火聚舒怡喜
靈臺換凡骨驚回仍枉竹樓前

乘小舟因風吹泊登岸緩步憩大樹下見二青衣
云君至此良非偶欲過覽景物乎余唯隨之入
見林齋簪翠樓閣縹緲風鬢鬢絡繹來逆相顧
而笑皆若素識至一軒題曰紫虛飛碧其時女樂
數十輩蒞若歌妙舞盡態極妍所歌惟唐人樂府頃
之升席坐琥珀光浮珍錯羅列酒數巡衣碧者呼
雙鬟語曰汝所歌乃前人古調耳近日雅製頗多
豈無可動聽者乎於是諸伶停拍半响雙鬟始發
聲唱余楊柳枝詞余驚疑欲有詢旁一衣絳者曰
此卽近日佳製也若不知爲余作者已而俱起攜
手芳園惟聞香氣古洞煙青果垂丹實舉手可得
有圍棋石上者有調鶴松閒者余樂甚二青衣曰
可以返矣回至軒中衆知余欲歸皆弗忍舍倚欄
佇立忽明瑞翠羽從屏後出顧同列謂余曰君知
某爲列仙班乎上帝不忍其飄零今得藏首於此
者皆生不同時帝不數觀而偶然比肩一室得從
容而盡識之不可謂非千載奇遇也乃拂彩牋走

霜毫成一絕贈予云千里辭家汗漫遊偶乘煙水
駐輕舟此閒便是神仙路何必天邊問斗牛余時
亦得二絕云不信靈源是舊遊何因許泛木蘭舟
從茲乞得長生術欲挾飛仙宿斗牛又云笙歌隊
裏喜同遊恰是臨郎一葉舟我亦他年來借榻風
薰甲帳臥牽牛和畢支頤權笑已而歎曰今日紅
閨之妙手他年紫府之班頭矣遂持所贈詩攜余
手出方下階尤屬以明年中秋來會語未竟忽狂
風一陣眾俱不見余亦驚醒而起則夕陽西墮月
上簾鉤追憶勝會歷歷宛如在目因援筆紀之

昭君怨

龍沙北去苦零丁回首關山夢漢庭解識紅顏多薄命莫

教含淚怨丹青

楊柳枝詞

遊絲香暖麴塵天陌上花飛似去年殘月曉風人未起棲

鴛鴦破一溪煙

至今水調怨歌頭玉笛無聲客倚樓白傅退閒樊素老東
風曾縮小蠻不

君從蘇小門前住我昔眞娘墓上行若過酒旗檀板地誰
家不解唱新聲

上馬空折楊柳枝出門但歌楊柳詞出門上馬兩行淚
到河橋渡水時

楊柳曲斂

纔向河梁斂憾眉又牽金縷鬪腰肢憑誰唱盡陽關曲未
必多如一樹絲

和吳梅村十美圖

浮舸

曾將歌舞媚春遊
月擁蓮花夜放舟
誰似若耶溪畔好
五湖煙水總銜愁

虞兮

天將烈女匹英雄
意氣相從見始終
子弟八千同日死
香魂何復過江東

當壚

眉蹙春山畫不如
文園醉後共看書
當時錦里繁華地
誰道攜琴學釣魚

絕命詞

梗斷蓬飛夢不甘
浮雲幻迹我曾諳
年來愁絕湘江水
楓送離魂到漠南

相思兩地淚沾衣夢裏還家覺後非自歎不如梁上燕
年秋社別人歸

戴珊 五十首

珊字衣仙自號虹橋女史錢塘人湘潭候選巡檢
梁傳系視峯室有廡下吟草虹橋曾受詩法於紫
峴老人老人序其集謂得風人溫柔敦厚之旨可
參騁省風集諸名媛者也

勵志詩呈外君硯峯

德爲身之基學以固其本婦職司中饋續書亦何損至道
不遠人旁求曷自反良工業愈專大器成常晚君莫泣牛
衣書中有華袞

花朝曲

紫雲宮闕黃金殿東皇勅賜花神燕絳幄仙人縛約姿碧
城侍女桃花面五色雲幡九子鈴澹煙薄霧釀春庭夜來
不用燒紅燭沈醉東風夢未醒

七夕

橋成應促駕月出暫停梭有憾凝秋水含愁渡曙河只緣
憐契闊豈不畏風波莫羨天仙好離情一樣多

將歸湘中畱別諸弟

遠色孤鴻沒離亭夕照殘歸舟江畔繫別淚坐中彈雲樹
圍空碧煙波湧暮寒不知東閣月今夜幾人看

春燕

海天縹渺海山微尙帶晴絲宛轉歸紅雨園林新節序碧
雲庭院舊簾幃幾家巢壘香猶在六代繁華夢已非願爾
頻年被愁寂雙雙仍傍畫梁飛

將歸山莊感賦長句畱別靜娟妹

憐予蹤跡等浮鷗來去年來不自由鄉思暗隨千里月羈
心先上五湖舟隔簾細雨飄離緒入座清風送客愁今夜
南塘吟夢好也應懷季上層樓

夜與硯峯談越中事寄懷

瀟湘吳越路三千梗泛萍浮信有緣豈爲小山愁寂寞卻
因芳草思纏綿隔年春信紅梅寄昨夜歸心旅雁傳漫說
西湖勝西子何時同放月波船

同五姊夜話

夜雨連牀話素心十年舊事漫追尋
封侯未遂閨中願借
隱甘從廡下吟千里白雲愁夢遠
一簾芳草識春深更闌
忽聽征鴻唳可向樓頭寄好音

中秋對月

冰輪湧出破寒煙更漏頻移未肯眠
昨夜雨聲今夜月五
分秋色十分圓苦吟漸覺孤銜瘦
獨坐遙知素女憐爲遣
愁腸歌水調何須把酒問青天

草

今日王孫草芊芊一色青
卻嫌離別苦直欲掩長亭

春水

南浦波生盪小舟鴨頭新漲恰如油斷橋煙雨無人渡
有桃花片片流

晚步

煙嵐收盡有餘霞水郭俯翻賣酒家纔過漁莊人影散夕
陽牛背立昏鴉

梨花

不同紅紫鬪鮮妍獨倚闌干只自憐新雨一簾雲影薄東
風吹到鏡臺邊

江樓雜詠

廿四花風都數遍慙慙幾度惜韶光無端吹散瀟瀟雨忙
殺溪雲送晚涼

寄外

朔風吹雪滿江關，萬里征行人未還。
料得破裘都典盡，黃金臺下夢家山。

紫峴先生六如亭傳奇題詞

頻履艱危卻坦夷，天心臣節兩扶持。
裙釵佳話原餘事，端禮門前看石碑。

春蘭

善卷洞口舊家山，弟妹相邀日往還。
曾記采蘭逢上巳，一渠香水碧潺湲。

薄霧低籠小篆斜，幽廊相對讀南華。
問來薰入龍團好活，火香泉索同茶。

沙雁

賓鴻飛倦幾行斜
兩兩銜蘆宿渚沙
今夜江湖千里夢
五更風月傍漁家

燕

社雨瀟瀟風翦翦
一生羈旅不知愁
春光半爲營巢誤
猶向雕梁語不休

頻穿柳絮蹴桃花
舞罷歸才綠四遮
莫向風前鳴得意
舊時王謝已無家

得家書感賦

尺鯉傳來感不勝
此時車笠豈堪憑
大梁久客空惆悵
末路如何有信陵

枕上聞杜鵑

無端杜宇曉啼春好夢驚回漢水濱
我自有家歸未得不如陌上喚征人

立春

聞道春回淚欲零離愁如醉幾時醒
無情有憾惟新柳盼到東風眼又青

歸舟

歸客迢迢在一舟晚眺斜轉綠莎洲
那知九面衡山路長載瀟湘帝子愁

春蝶

探香栩栩逐花風披拍撩鬢宿草叢
一徑煙深迷好夢不

知世有漆園翁

春草

王孫去後又殘春
留得新愁結遠津
明日香闌人鬪罷
東風一夜綠成茵

小園牡丹盛開懷外雷選都門

百五韶光國色新
尋芳正好約東隣
休言富貴驕貧賤
祇爲繁華占一春

題桃花美人便面

香豔迷離喚奈何
滿懷春憾寄庭柯
丹青不畫成陰日
枉說紅顏薄命多

非貪結子耐春寒
徧倚柔枝淚未乾
何事東風吹不盡
斷

沙洲書不與
賜階與後人看

扇底餘香未可尋
夕陽門裏自沈沈
崔君事付恆河劫也
自凭欄一度吟

自長沙歸

長沙早發望迢迢
半日風帆一里遙
載得春歸添別憾
岸花檣燕漫相招

喜外歸感賦

十分憔悴不勝愁
鴛瓦霜深冷畫樓
節過授衣衣未寄
西風幾日送歸舟

相見驚看兩鬢絲
歸來檢點一囊詩
悲歌不盡恩離別
末路如何說報施

讀史

蕭蕭易水劍光寒
輕去荆卿返國難
可惜於期空一死
督亢陵上憾漫漫

鴻門無計困英雄
垓下方知百戰空
名馬美人都喪盡
惟餘舞草泣春風

臨和一曲鳳皇琴
賦就長門值萬金
女子憐才竟何事
茂陵猶作白頭吟

六貴同朝祚已終
金蓮猶自步春風
危邦義士存哀馬
愧煞休文禪冊工

南北浮屠皆醜亂
臺城索蜜悔應遲
何人更說伽藍記
不醒千年佞佛癡

無愁天子事豪華
豔絕新聲儘意誇
誰料六橋金粉地
龍舟仍唱後庭花

百萬通渠復築城
豈關國計與民生
至今嗚咽隋隄水
不爲當年洗怨聲

百戰揮戈埽大荒
天心民意久昭彰
眞人不愧稱髡聖
可惜當時少讓王

不鑿前車納玉環
漁陽鼙鼓入潼關
馬嵬無限傷心淚
冷雨淒風蜀道還

花石綱來良嶽成
美人一笑已傾城
洛陽處處號鵑急
猶與寒鴉說汴京

趙家南渡金甌缺
自壞長城岳與韓
莫怨咸陽和議定
兩

宮荒塚砌風寒

堪歎光甯僅有妻天慄宋祚警虹霓不尊真魏尊瑞史公
相離船遍浙西

秋氣長纏起輦墳驅除六合有雄軍角端卽出成何事又
見盧陞鳥入雲

三傑孤危八虎強對山能不改三楊攤書更讀婁妃傳一
曲淒清片石荒

養士恩深三百年國殤曾得幾人賢紅顏力弱能誅賊長
向思陵泣杜鵑

南朝脂粉足風流一例降旗出石頭閣部衣冠葬何處梅
花嶺上望揚州

吳文仙 七首

文仙長沙人適同邑廖氏早寡有綠窗集

春暮

門巷深深燕子斜
輕陰日色碧雲遮
夢殘永晝簾垂地
窗外無風自落花

春雨

春風習習雨瀟瀟
陣陣輕寒過碧綃
一夜淒清聲不斷
卻疑窗外有芭蕉

山居秋興

水竹三分屋半閒
蟲聲唧唧響空山
秋深落葉無人掃
家住白雲紅蓼灣

暮秋

空庭寂歷草蟲鳴
閉卷湘簾月色清
深閣不知秋欲暮
滿庭黃葉落無聲

雪夜懷兄

鼙鼓寥寥歲又更
悲風颯颯別愁生
遙憐此日天涯客
猶自孤舟冒雪行

納涼

水心亭上晚風涼
四面窗閑映水光
楊柳綠陰人意靜
一雙蝴蝶上琴囊

春興

凭欄閒愛晚涼天
滿院春光在眼前
最是多情亭外柳
東

風吹起又吹眠

吳竹鄰六首

竹鄰益陽人幼慧母羅氏授以小學及四子書能
通大義年十三適同邑周生世斨十六而寡

和太白韻

明月灑清光秋心冷似霜呼天問冥路何處是君鄉

新秋

暑退疏林夕照宜小樓涼入好尋詩人閒秋到初無跡獨
許梧桐一葉知

送秋

時光荏苒逐東流見說今朝又別秋祇有農心秋不去百

年霜氣鎮常出

清明

草長鶯飛憶別離
風光猶是昔年時
不知地下人何似
鬢髮經春半已絲

讀徐媼哭命詩

冷雨酸風了一生
人間惟有命難爭
女流缺陷知多少
欲向阿婆借哭聲

春江晚眺

暖風輕颺試春衣
人在江樓倚翠微
無數漁舟歸柳岸
鷺鶩猶帶夕陽飛

沅湘耆舊集卷第一百八十三終